



## საქართველოს გაერთიანებული სახელმწიფოს და სოფლის მეურნეობის მინისტრი

### ბრძანება N 2-318

07/05/2018

ქ. თბილისი

#### შპს „ასტორია“-ს ასფალტის საწარმოს წარმადობის გაზრდის სკრინინგის გადაწყვეტილების შესახებ

შპს „ასტორია“-ს მიერ გზშ-ს ჩატარების საჭიროების დადგენის მიზნით საქართველოს გარემოს დაცვისა და სოფლის მეურნეობის სამინისტროში წარმოდგენილია ასფალტის საწარმოს წარმადობის გაზრდის სკრინინგის განცხადება.

შპს „ასტორია“-ზე 2008 წელს გაცემულია ეკოლოგიური ექსპერტიზის დასკვნა N39 ასფალტის წარმოებაზე. საწარმოს ატმოსფერულ ჰაერში მავნე ნივთიერებათა ზღვრულად დასაშვები გაფრქვევების ნორმების პროექტი შეთანხმებულია საქართველოს გარემოს და ბუნებრივი რესურსების დაცვის სამინისტროსთან (წერილი#78521.02.2014წ).

წარმოდგენილი დოკუმენტაციით არსებული საწარმო მდებარეობს ახალციხის მუნიციპალიტეტში, სოფელ დაბა ვალეს ტერიტორიაზე. აღნიშნული ტერიტორია მდ.ფოცხოვის მარჯვენა სანაპიროდან დაშორებულია დაახლოებით 120 მეტრით. უახლოესი დასახლებული ადგილი საწარმოდან დაცილებულია დაახლოებით 400 მეტრის მანძილზე.

საწარმოში დამონტაჟებულია ასფალტო-ბეტონის დანადგარი DC-117-K, საწარმოს ფაქტიური მწარმოებლობა შეადგენს 17 000 ტ წელიწადში, წარმადობით 36 ტ/სთ-ში, ბეტონის საწარმო, წარმადობით 30 მ<sup>3</sup>/სთ და ქვის სამსხვრევ დამახარისხებელი საამქრო, წარმადობით 25 მ<sup>3</sup>/სთ. წარმოდგენილი განცხადებით საწარმოში იგეგმება წარმოებული პროდუქციის წარმადობის გაზრდა არსებული ტექნოლოგიების პირობების შეუცვლელად.

წარმადობის გაზრდის შემდეგ საწარმოს სიმძლავრე და საჭირო ნედლეულის დასახელება და მოცულობა იქნება:

1. ასფალტის საწარმო - 40 000 ტ/წელიწადში ასფალტის წარმოებით, რისთვისაც საჭიროა ბიტუმი 2235 ტ, მაზუთი 520 ტ, ქვიშა 15294 ტ, ღორღი 19530 ტ, 2940 მინერალური ფხვნილი.
2. ქვის სამსხვრევ/დამახარისხებელი საამქრო - 80 000 მ<sup>3</sup>/წელიწადში წარმადობით (გადამუშავება სველი მეთოდით);
3. ბეტონის საწარმო - 20 000 მ<sup>3</sup>/წელიწადში წარმადობით, რისთვისაც საჭიროა ცემენტი 800 ტ, ქვიშა 14 880 მ<sup>3</sup>, ღორღი 1280 მ<sup>3</sup>.

საწარმოს განთავსების ტერიტორია შეიძლება განვიხილოთ როგორც სამრეწველო ზონა, რომლის საქმიანობა არ არის დაგეგმილი ჭარბტენიან ტერიტორიასთან, შავი ზღვის სანაპირო ზოლთან, ტყით მჭიდროდ დაფარულ ტერიტორიასთან. საწარმოს ტერიტორიიდან 10 კმ-ში მდებარეობს ბორჯომ-ხარაგაულის ეროვნული პარკი. ვიზუალური შეფასებით, ტერიტორიაზე და მის სიახლოვეს არ ფიქსირდება კულტურული მემკვიდრეობის ძეგლი.

ექსპლუატაციის ეტაპზე სამუშაოების წარმოებისას მოსალოდნელია, როგორც სახიფათო, ისე არასახიფათო და ინერტული ნარჩენების წარმოქმნა. საქმიანობის განხორციელების პროცესში მოსალოდნელია მანქანა-დანადგარებით გარემოს დაბინძურება, მათი მუშაობით გამოწვეული ხმაური და ატმოსფერულ ჰაერში მავნე ნივთიერებათა გაფრქვევა, თუმცა გარემოზე ზემოქმედება არ იქნება მნიშვნელოვანი თუ განხორციელდება ატმოსფერულ ჰაერში მავნე ნივთიერებათა ზღვრულად დასაშვები გაფრქვევის ნორმების პროექტის სამინისტროსთან შეთანხმება და შპს „ასტორია“-ზე გაცემული 2008 წლის 24 ნოემბრის N39 ეკოლოგიური ექსპერტიზის დასკვნის პირობების დაცვა.

**ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსის“ მე-7 მუხლის მე-6 ნაწილის, მე-5 მუხლის მე-12 ნაწილის და ასევე „საქართველოს მთავრობის სტრუქტურის, უფლებამოსილებისა და საქმიანობის წესის შესახებ საქართველოს კანონში ცვლილებების შეტანის თაობაზე“ (07.12.2017 N1620-რს) საქართველოს კანონის მე-2 მუხლის მე-3 პუნქტის საფუძველზე**

#### **ვ ბ რ ძ ა ნ ე ბ:**

1. მიღებულ იქნეს სკრინინგის გადაწყვეტილება, რომ შპს „ასტორია“-ს ასფალტის საწარმოს წარმადობის გაზრდა არ დაექვემდებაროს გარემოზე ზემოქმედების შეფასებას;
2. შპს „ასტორია“-მ საქმიანობა განხორციელოს 2008 წლის 24 ნოემბრის N39 ეკოლოგიური ექსპერტიზის დასკვნის პირობების დაცვით და უზრუნველყოს „ატმოსფერულ ჰაერში მავნე ნივთიერებათა ზღვრულად დასაშვები გაფრქვევის ნორმების პროექტის“ სამინისტროსთან შეთანხმება;
3. ბრძანება დაუყოვნებლივ გაეგზავნოს შპს „ასტორია“-ს;
4. ბრძანება ძალაში შევიდეს შპს „ასტორია“-ს მიერ ამ ბრძანების გაცნობისთანავე;
5. ბრძანების ძალაში შესვლიდან 5 დღის ვადაში სკრინინგის გადაწყვეტილება განთავსდეს სამინისტროს ოფიციალურ ვებგვერდზე და ახალციხის მუნიციპალიტეტის აღმასრულებელი ორგანოსა და წარმომადგენლობითი ორგანოს (დაბა ვალე) საინფორმაციო დაფაზე;
6. ბრძანება შეიძლება გასაჩივრდეს ზემდგომ ადმინისტრაციულ ორგანოში-საქართველოს მთავრობაში (თბილისი, ინგოროყვას ქუჩა N7) ან თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი

მინისტრი

ს. ციციანი